

Inatsisartut Suleriaasianni § 33, imm. 3, nr. 1 naapertorlugu Nunat Avannarliit Killiit Siunnersuisoqatigiiffianni Inatsisartut aallartitaannut siulittaasup Lars-Emil Johansenip aalajangiiffisassatut siunnersuut manna saqqummiuppaa:

Nunat Avannarliit Killiit Siunnersuisoqatigiiffiata kaammattuutit aalajangersagaata Inat-sisartunit ilalerneqarneranik Inatsisartut aalajangiiffisassaattut siunnersuut:

Nunat Avannarliit Killiit Siunnersuisoqatigiiffiata Savalimmiuni naalackersuisut, Kalaallit Nunaanni Naalackersuisut Islandimilu naalackersuisut kaammattorpaat suliniutit umiarsuit atorlugit angallannermi svovlimik aniatitsinermik annikillisitsinnaasut eqqarsaatigalugit suleqatigeeqqullugit. Nunat kaammattor-neqarput ikummatissat mingutsitsinnginnerusut, taamatullu aamma atortut avataasiarluni aalisarnermi imaatigullu assartuinnermi angallatit ingerlataasa pujuliornerinit svovlimik paaasinnaasut atorneqarnissaannik piumasaqarnikkut sunniuteqartumik avatangiisinullu mianersuussisumik nukissiuutinik atuiner-mut periutsinik ineriartortitsineq atuutsitsilernerlu pillugit suleqatigeeqqullugit.

Tungavilersuut:

Nunat Avannarliit Killiit Siunnersuisoqatigiiffiat 2014-imi septembarip aallartinnerani Islandimi ukiumoortumik ataatsimiippoq aalajangerneqarlunilu umiarsuit atorlugit angallannermi svovlimik aniatitsinerit annikillisinniarlugit suliniuteqaqqullugit nunani avannarlerni killerni naalackersuisut peqquneqarnissaannik nunat avannarliit killiit kissaataat siuarsarneqassasoq.

Nunarsuarmi umiarsuit svovlimik mingutsitsinerisa nassataanik puakkut uummatikkullu nappaateqarnerup kingunerisaanik nunarsuaq tamakkerlugu inuit 60.000-it ukiut tamaasa toqusartut American Chemical Societyt nalunaarusiami 2007-imeersumi nalilerpaa.

Pingaartumik uuliamik kinertumik (svovlimik annertuumik akulimmik) atuneq umiarsuarnit svovlimik mingutsitsisoqarneranut pissutaavoq.

Sumiiffinni sinerialinni innuttaasut umiarsuarnit svovlimik mingutsitsinermi ingammik eqqugaapput. Taamaattumik nunani avannarlerni killerni nunat sineriallit mingutsitsinerup tamatuma annikillisarneqarnissaanut qanoq peqataasinnaanersugut aallutis-sallugu tungavissaqarluarpoq.

Periutsit pillugit nunat avannarliit killiit suleqatigiinnerannut ilaatinneqarsinnaapput maleruagassanik aalajangersaaneq, suliassaqarfimmi ingerlatsisunik isumaqatigiis-suteqartarneq, paasititsiniaanerit, tapiissuteqartarnermi aqqissuussinerit, akitsuutit il.il., tamatumani nukissiuutinik pitsaanerusumik atuinerup siuarsarneqarnissaa, ikummatissanik annikinnerusumik mingutsitsisunik atuilernissaq aamma/imaluunniit

atortunik angallatit pujoorfiinit svovlimik aniatitanik pīaassutīnik atuilernissaq siunertaralugu.

Nunani avannarlerni killerni aalisarnermik ilaatigullu imaatigut assartuīnermik ingerlataqartut unammilleqatigiinnikkut atugassarititaasut pituttorsimanngitsut tunngavigalugit nunarsuarmi niuerfinni niuertarput. Aalisarnerup imaatigullu assartuīnerup iluani imminut akilersinnaassutsip allannguisinnaaneq atortussanillu nutaanik pissarsisīnaassuseq soorunami aamma sunniuteqarfigaa. Atortut suut nunani avannarlerni killerni naalakkersuisunit atorneqalersussatut tulluartinneqarsinnaanerannut ilaatigut pissutsit tamakku soorunami apeqqutaassapput.

Sømilīnik pingasunik killeqarfiup avataatigut avatangiisīnik illersuīniarluni maleruagassiornissamut akisussaaffiup oqartussaaffiullu naalagaaffimmit isumagineqartarnera Kalaallit Nunaanni Savalimmiunilu suliassaqarfimmi periutsini aamma eqqumaffigineqassaaq.

Nunat Avannarliit Killiit Siunnersuisoqatigiiffiata kissaatigaa nunani avannarlerni naalakkersuisut kaammattoorneqassasut svovlimik aniatitsīnermik annikillīsītīsīnnaasunik sulīniuteqaqqullugit nunallu avannarliit suleqatigiinnerata iluani Nunat Avannarliit Killiit Siunnersuisoqatigiiffiata kaammattuutaanik suliarinneqqullugit.

Pisortanut aningaasatigut allaffissornikkullu kingunerisassai

Nunat Avannarliit Killiit ataatsimut sulīniuteqarnissaannut suleqatigiissīnnaanerup misissorneqarneranut piareersarneqarneranullu ukioq naallugu sulisumik ataatsimik 500.00 kr.-ilīmmik pisariaqartīsīnissaq missingerneqarpoq.

Namminersortunut aningaasatigut allaffissornikkullu kingunerisassai

Soqanngilaq.

Innuttaasunut aningaasatigut allaffissornikkullu kingunerisassai

Soqanngilaq.